

Bosnia and Herzegovina  
Federation of Bosnia and Herzegovina

**CANTON SARAJEVO**  
**Canton Development Institute**

Na osnovu člana 66. Zakona o organizaciji organa uprave u Federaciji BiH ("Službene novine FBiH" broj 35/05), člana 16. Zakona o plaćama i naknadama u organima vlasti Kantona Sarajevo ("Sl. Novine KS", broj: 5/19), direktor **donosi**

## UPUTSTVO

### za ostvarivanje naknade za prijevoz na posao i sa posla

#### Član 1.

- (1) Uposleniku kome nije organiziran prijevoz na posao i sa posla, a čije je mjesto stanovanja udaljeno od mjesta rada najmanje dva kilometra, pripada naknada za prijevoz na posao i sa posla.
- (2) Pravo na naknadu za prijevoz na posao i sa posla ostvaruje se u visini mjesečne karte gradskog, prigradskog i međugradskog saobraćaja ili u vidu kupovine mjesečnih kupona kod javnog prijevoznika.

#### Član 2.


- (1) Pravo iz člana 1. ostvaruje se na osnovu pismenog zahtjeva uposlenika, u kojem se navodi adresa stvarnog stanovanja i prilaže dokaz o prebivalištu (prijavnica CIPS-a).
- (2) Zahtjev, zajedno sa dokazom o prebivalištu (prijavnica CIPS-a), predaje se Višem referentu za pripremu obračuna plate, blagajničke poslove i likvidaturu ulaznih faktura za funkcionisanje Zavoda.

#### Član 3.

- (1) Direktor Zavoda donosi odluku čiji će sastavni dio biti spisak uposlenih kojima se odobrava pravo na naknadu za prijevoz na posao i sa posla.
- (2) Viši referent za pripremu obračuna plate, blagajničke poslove i likvidaturu ulaznih faktura za funkcionisanje Zavoda na osnovu odluke direktora i zahtjeva mjesečno pravi spisak uposlenih koji imaju pravo na naknadu za prijevoz na posao i sa posla i dostavlja ga Ministarstvu finansija na isplatu.







Bosnia and Herzegovina  
Federation of Bosnia and Herzegovina

**CANTON SARAJEVO**  
Canton Development Institute

**Član 4.**

- 1) Uposlenici čije je mjesto stanovanja udaljeno manje od dva kilometra od mjesta rada mogu podnijeti zahtjev za naknadu za prevoz ukoliko priroda njihovog posla zahtjeva korištenje gradskog, prigradskog ili međugradskog saobraćaja.
- 2) Pravo na naknadu se ostvaruje na osnovu dokaza o plaćenju karti gradskog, prigradskog ili međugradskog saobraćaja.

